

USIM terap pengetahuan ekonomi Islam, muamalat

» **Mewujudkan platform** bagi penambahan usahawan Muslim

Oleh Hazween Hamdan

Bidang perniagaan berteraskan Islam sememangnya mengikut falsafah berasaskan tauhid dan berkait rapat dalam kehidupan manusia.

Oleh itu, kegiatan perniagaan dalam Islam adalah ibadah yang jika dilakukan dengan ikhlas serta bersesuaian dengan syariat, ia akan mendapat keredhaan Allah SWT.

Bagi yang mahu membuka perniagaan, perlu dimulai dengan niat murni untuk memenuhi tanggungjawab seperti keperluan diri secara sederhana, keluarga, masa depan diri sendiri dan kepentingan sosial termasuk berusaha menegakkan agama, membantu ummah

dengan membasmi kemiskinan, menyediakan pekerjaan kepada yang memerlukan dan lain-lain tanggungjawab terhadap masyarakat Islam setempat.

Dekan Fakulti Ekonomi dan Muamalat Universiti Sains Islam Malaysia (USIM), Asmaddy Haris berkata, tiga bidang ilmu yang perlu dalam Islam ialah Fiqah, Tauhid dan Tasawur.

Katanya, perniagaan berteraskan Islam perlu mencapai matlamat tiga cabang ilmu ini dalam proses urusan jual beli di atas persetujuan kedua pihak seperti diizinkan syarak.

"Antara prinsip perniagaan Islam ialah urusan tanpa riba, melindungi hak penjual dan pembeli, keadilan, kebebasan, kerelaan, kesopanan, rajin, tekun, jujur dan amanah.

"Dunia hari ini memerlukan



kan Muslim yang kompeten bertunjangkan 'tauhid' dan 'syariah' serta pengetahuan muamalat dalam usaha untuk berjaya dalam kehidupan akhirat. Oleh itu, pihak USIM menyasarkan untuk melahirkan graduan yang mahir, profesional serta berpengetahuan dalam urusan dunia dan akhirat.

Asmaddy berkata, di samping menerapkan program akademik, USIM juga akan menegakkan prinsip Islam dengan mewujudkan lebih banyak peluang untuk pakar, intelek dan sarjana bagi meneliti serta memperluaskan pengetahuan ekonomi Islam dan muamalat.

Menurutnya, usaha itu adalah bagi meningkatkan bilangan usahawan Muslim, di samping menyediakan platform berdasarkan kepada pengalaman teori dan praktikal.